

9. FUNDUR STJÓRNAR HUNDARÆKTARFÉLAGS ÍSLANDS

STARFSÁRIÐ 2019-2020

Þriðjudaginn 21. janúar kl. 20:00 var haldinn níundi fundur stjórnar Hundaræktarfélags Íslands. Fundurinn var haldinn á skrifstofu félagsins í Síðumúla.

Mætt voru: Herdís Hallmarsdóttir formaður, Auður Sif Sigurgeirsdóttir, Guðni B. Guðnason, Heiðar Sveinsson og Þorsteinn Thorsteinson auk varamanns Guðbjargar Guðmundsdóttur.

Guðný Isaksen framkvæmdastjóri HRFÍ sat fundinn.

Svava Björk Ásgeirsdóttir boðaði forföll.

Þorsteinn tók þátt í fundinum með fjarfundarbúnaði.

Þorsteinn Thorsteinson ritaði fundinn.

Dagskrá:

1. *Leishmania* í hundi á Íslandi – erindi frá félagsmanni (fylgiskjal 1)

Eigandi innflutts hunds sem nýlega greindist með sníkjudýrið *Leishmania* hefur sent félaginu bréf til upplýsinga en þetta er í fyrsta skipti sem sjúkdómurinn greinist á Íslandi. Smitberi *Leishmania* er sandfluga, hún finnst ekki á Íslandi en smitun við þörun er möguleg, frá tíkum til hvolpa og við bit. *Leishmania* er hægt að meðhöndla með lyfjun, oftast með góðum árangri.

Umræddur hundur á hvolpa hér á landi og hafa eigendur hans upplýst eigendur afkvæma hans og mæður þeirra um stöðuna. Hafið er ferli hjá MAST, sjúkdómurinn er greindur með blóðprufum og verður sett upp áætlun um blóðprufur úr tíkunum og jafnvel hvolpunum einnig ef ástæða þykir til.

2. Deildarsýning Siberian Husky deildar 2020 – erindi frá Siberian Husky deild (fylgiskjöl 2, 3 og 4)

Deildin sækir um deildarsýningu föstudaginn 5. júní á Víðistaðatúni, eftir að uppsetningu sýningar HRFÍ er lokið, eða til vara 9. maí.

Sýningastjórn treystir sér ekki til að mæla með sýningu 5. júní, enda ekki hægt að segja til um það hvenær uppsetningu sýningar lýkur. Sýningastjórn leggur hins vegar til að deildarsýning Siberian Husky deildar verði haldin í stóra hringnum á Víðistaðatúni laugardaginn 6. júní, eftir

úrslit sýningar HRFÍ. Sýningastjórn samþykkir einnig útisýningu 9. maí með þeim fyrirvara að dómari sé meðvitaður og sáttur við hversu breytilegt veðrið getur verið hér á landi á þessum árstíma, eða að deildin sé með tryggt húsnæði til að færa sig í ef veðurútlit verður slæmt.

Umsókn Siberian Husky deildar um deildarsýningu samþykkt og er lagt í hendur deildarinnar hvort sýningin verður 9. maí eða 6. júní. Verði sýningin 6. júní skal skipulag og tímasetning gerð í samráði við sýningastjórn HRFÍ og skráningarfrestur verður þá einnig að vera sami á deildarsýninguna og sýningu félagsins.

3. Deildarsýning Schnauzerdeildar – erindi frá Schnauzer deild (fylgiskjöl 5 og 6)

Schnauzerdeild HRFÍ sækir um deildarsýningu á sýningarhelgi HRFÍ 6.-7. júní 2020. Dómari verður Natalja Skalin frá Svíþjóð sem jafnframt mun dæma á sýningu HRFÍ. Umsögn sýningastjórnar er jákvæð og er sýningin samþykkt með þeim skilyrðum að skipulag og tímasetning verði gerð í samráði við sýningastjórn HRFÍ og að sami skráningarfestur verði á báðar sýningar.

4. Deildarsýning Terrierdeildar – erindi frá Terrierdeild (fylgiskjöl 4, 7 og 8)

Terrierdeild HRFÍ sækir um deildarsýningu 17. október 2020. Dómari verður Branislav Rajic frá Slóveníu. Sýningastjórn hefur engar athugasemdir og er sýningin samþykkt.

5. Aflétting ræktunarbanns - erindi frá Schnauzerdeild (fylgiskjal 9)

Stjórn Schnauzerdeildar HRFÍ fer fram á afléttingu ræktunarbanns á schnauzer sem er nú í ræktunarbanni. Málið rætt, ákveðið að fresta afgreiðslu og ákveðið að afla frekari upplýsinga.

6. Reglugerð um skráningu í ættbók HRFÍ og Standing Orders of the FCI - erindi frá félagsmanni (fylgiskjal 10)

Í *Reglugerð HRFÍ um skráningu í ættbók*, kafla 8, gr. 6 segir eftirfarandi:

Ræktandi getur einungis ræktað og skráð got í því landi þar sem hann á lögheimili og ræktunarnafn hans er skráð í. Við búferlaflutninga til annars FCI lands er það á ábyrgð hans að flytja skráningu nafnsins til hundaræktarfélags viðkomandi lands áður en hann skráir got þar. Undanþágur má gera, eigi ræktandi nýtt lögheimili í landi þar sem ekki eru gefnar út FCI viðurkenndar ættbækur.

Í *Standing Orders of the FCI* má finna eftirfarandi:

Gr. 21.1 All Members and Contract Partners must apply to the Head Office for the registration of new kennel names in the international FCI Kennel Name Register. A National Canine Organization is allowed to apply for such registration exclusively for the breeders who have their legal residence in the country in question. The Association recognises kennel name co-ownership. However, in this case, it must be confirmed -per

litter- which person in the joint venture is officially responsible for adherence to national and international regulations in all matters concerning breeding and studbook registration.

Sænska hundaræktarfélagið (SKK) hefur sama skilning og HRFÍ á reglum FCI, að meðeigendur ræktunarnafns þurfi að hafa heimilisfesti í sama landinu. Undantekningin er ef meðeigandi ræktunarnafns hefur einungis tímabundna dvöl erlendis.

Framkvæmdastjóri FCI virðist hafa annan skilning á þessari reglu en reglur FCI eru til grundvallar og ekkert sem bannar HRFÍ að ganga lengra en þær kveða á um. Ákveðið að taka málið upp við hin Norðurlöndin og heyra þeirra túlkun á þessari reglu.

7. Samfélagsmiðlar

Umræður um samfélagsmiðla, þjónustu HRFÍ við félagsmenn sína og þá hópa sem HRFÍ sér um á facebook. Rætt er hvort útbúa eigi fleiri hópa til upplýsinga fyrir meðlimi félagsins. Heimasíða HRFÍ er úrelt og gamaldags og möguleiki á samvinnu við ritnefnd, fá jafnvel greinar úr Sámi á heimasíðu. Þá var rætt hvort endurvekja ætti fulltrúaráðsfundi.

Niðurstaða umræðna var að skoða þá vettvanga sem félagið hefur nú þegar yfir að ráða, heimasíðu og facebook síðu fyrir ræktendur, fara yfir, betrumbæta og vinna út frá því. Einhugur um að vinna að því að koma fram fréttum og upplýsingum á þessum miðlum.

8. Kerfismál

Guðný upplýsir um stöðuna á nýju tölvukerfi. HRFÍ hefur farið fram á breytingar á kerfinu sem hafa haft áhrif á kerfi DKK. Danska félagið hefur boðið HRFÍ að kaupa tölvukerfi þeirra fyrir mjög sanngjarnt verð og þá verður tölvukerfi HRFÍ alveg aðskilið frá DKK. Viðræður eru við fyrirtækið sem sér um gagnagrunninn og ljóst að kostnaður mun áfram fylgja þeirri vinnu en er félagið kaupir aðgang að danska tölvukerfinu falla leyfisgjöldin til DKK niður.

9. Önnur mál

a. Aðalfundur HRFÍ

Almennar umræður um aðalfund HRFÍ og mögulegan fundardag.

b. Skráningargjald í keppni ungra sýnenda – erindi frá Ungmennadeild HRFÍ (fylgiskjal 11)

Ungmennadeild HRFÍ sendi fyrirspurn um skráningargjald í keppni ungra sýnenda en stjórn deildarinnar finnst gjaldið of hátt. Deildin borgar oftast flug og annan kostnað vegna síns dómara.

HRFÍ hefur ekki aðgreint sérstaklega þann kostnað sem fylgir keppni ungra sýnenda en ávallt er stefnt að því að hver sýning standi undir sér og gjaldskrárhækkun um

áramót var vegna hækkana sem hafa orðið í þjóðfélaginu. Formanni ungmennadeildar er boðið að eiga samtalið við framkvæmdastjóra um málið.

c. Dagskrá hlýðniþróa – erindi frá Vinnuhundadeild HRFÍ (fylgiskjal 12)

Vinnuhundadeild HRFÍ hefur sett upp dagskrá hlýðniþróa fyrir 2020 og er dagskráin samþykkt.

d. Hús til niðurrifs og flutnings – erindi frá félagsmanni (fylgiskjal 13)

Félaginu barst ábending frá félagsmanni um iðnaðarhús sem er auglýst til niðurrifs og flutnings. HRFÍ hefur ekki fengið úthlutað lóð auk þess sem umtalsverður kostnaður myndi fylgja niðurrifi, flutningi og uppsetningu á umræddu húsi. Málið er því ekki tímabært fyrir félagið en ákveðið að ýta aftur á Reykjavíkurborg og jafnvel önnur sveitarfélög á höfuðborgarsvæðinu um möguleika á lóð sem gæti hentað starfsemi HRFÍ.

10. Samþykkt milli funda:

a. Umsögn um drög Atvinnuvega- og nýsköpunarráðuneytisins að reglugerð um innflutning hunda og katta (fylgiskjal 14)

Núgildandi reglur ganga mun lengra en nauðsynlegt er til verndar þeim hagsmunum sem þeim er ætlað að vernda. Áform um styttingu einangrunar eru því mikið fagnaðarefni en félagið hefði viljað ganga enn lengra.

Atvinnuvega- og nýsköpunarráðherra lofaði að samráð yrði haft við HRFÍ við samningu reglugerðarinnar og væntir stjórn félagsins þess að ráðherra boði félagið á fund í framhaldinu.

b. Frestun gildistöku veiðiþrósreglna fyrir tegundahóp 7 (fylgiskjöl 15 og 16)

Allar deildir í tegundahópi 7 að undaskilinni Fuglahundadeild (FHD), þ.e. Vorstehdeild, Írsk Setter deild og Deild Ensks setters, óska eftir frestun á gildistöku endurskoðaðra veiðiþrósreglna fyrir tegundahóp 7 til 1. janúar 2021. Ástæða beiðinnar er að vinna við þýðingu á gildandi norsku regluverki er hafin og verklok áætluð á seinni hluta ársins 2020.

FHD er samþykkt frestun ef áður samþykktar reglur taki gildi að ári, verði vinna að þýðingu ekki lokið. FHD fer einnig fram á að reglurnar verði birtar á vef HRFÍ þótt þær taki ekki gildi fyrr en 1. janúar 2021.

Erindi deildanna var sent dómarráði til umsagnar en í 3. gr. reglna um dómarráð segir:

Dómarráð er stjórn HRFÍ til ráðgjafar um veiðiþrósreglur. Tillögur til breytinga á veiðiþrósreglum skal senda til dómarráðs til meðferðar og umsagnar. Dómarráði ber að senda stjórn HRFÍ umsagnir sínar og úrskurði innan hæfilegs frests.

Dómararáð telur farsælast að fara að ályktun allra deildanna og samþykkja frestun á áður samþykktum reglum en leggur til að sett verði tímamörk, að þýðingu reglnanna skuli lokið 1. júní 2020. Þá verði þýðingin kynnt stjórnnum deildanna, félagsmönnum og dómararáði til yfirferðar og úrvinnslu. Endurskoðaðar reglur muni svo taka gildi 1. janúar 2021.

Þá býður dómararáðið fram aðstoð og þekkingu við þýðingu og aðlögun reglnanna að íslensku máli, landslögum, reglum og aðstæðum.

Dómararáðið telur hins vegar óþarft að birta reglurnar sem voru samþykktar 2018 þar sem þær hafa nú verið dregnar til baka af stjórnnum deildanna sem og endurskoðunarnefnd um veiðiprófareglur.

Stjórn HRFÍ samþykkir tillögu dómararáðs

Fundi slitið 22:45